

تورک پوردی

ناشری : تورک پوردی

مدیری : محمد مین

۲ مایس ۱۳۲۹

۲ یل

صافی ۱۵

اجتماعیات

تورک کشمک ، اسلام لاشمق ، معاصر لاشمق

۳

عننه و قاعده

زده هرکس قاعده سز لکدن شکایت ایدیور ؛ بن قاعده جیلکدن شکایت ایده جکم . هرکس ترقی ایدمه یشمزک سینی عننه جیلکده کوریور ؛ بن بونک عننه سز لکمزدن ایلری کلدیکی کوستره جکم .

اجتماعی حیاتمزک هانکی جهته باقسق ایکی مختلف جریانک چارپشدیغنی کورورز . بونلردن بری جذریلک (رادیقالک) ، دیکری محافظه کارلقدرد . بربرینک تمامیه ضدی صانیلان بوایکی جریان بنجه عینی اساسده برلشمشدر : قاعده جیلک .

محافظه کارلر موجود قاعده لری لایتغیر حقیقتلر صیره سنده کوردرک دکشد . برلمه سنه کفر نظریله باقارلر . جذریلر معقول قاعده لری مطلق دستورلر عدادینه قویه رق قبول ایتمه ینلری مرتجع لکله اتهام ایدرلر . بوایکی صنفدن هیچ بریسی بواسکی ، یاخود یکی قاعده لرک زده دن چیقهرق نه بولده تکامل ایتدیکنی ، متعاقب زمانلرده متخالف محیطلره ناصل انطباق ایتدیکنی آرامغه لزوم کورمزلر . چونکه هر ایکی طرف جهده قاعده ، زمانلرک فوقده و محیطلرک خارجنده بر (قائم بنفسه) در . بو ، بر جمعیتده حیاتی تکاملک موقت و دیکرلرینه متصل بر مرحله سی دکل ، زمان و مکاندن مجرد بر عالم اولان (نفس الامر) ده ثابت و متعین ازلی بر حقیقت ، ابدی بر دستوردرد .

قاعده لره متابعت تکرر ایدمه ایدمه اعتیاد حالنه کج دیکنی ایچون اختیارلر محافظه کار اولورلر . کنج لر ایسه مدنی احتشاملریله پارلاق کورونن مترقی ملتارک ترقی ایتمه لرینک سبیلرینی تطبیق ایتمکده اولدقلری قاعده لرک طوغرولغنه حمل ایتدکلری

ایچون بونلری تقلید ایتک هوسنه دوشرلر؛ بوندن طولای کؤکدن انقلابچیلر صیره سنه کچرلر .

آدی ایستر عادت ، ایستر موده اولسون ، ایستر آداب ، ایستر اُتیکت نامی ویریلین ، ایستر اعتقاد ، ایستر اجتهاد دینلین ، فقه مادهلری یاخود حقوق دستورلری صورتنده تجلی ایتسین (قاعده) دائما عینی شیدر . تکاملک سورکسز و متردد بر وقفه سی عد اولمئوبده تأیید و تجمید ایدلدیکی آنده جانسز برقدید حالی آلیر . حیاتک لئی یاراتجی بر تکاملدر . تکاملسز موجودلر جمادلردن عبارتدر . قاعده حیلر نتیجه یی سبب یرینه قویارلر . قاعده تکاملک موقت بر نتیجه سیدر ؛ اونلر بونی تکاملک سببی صانیرلر . سبب معلوم اولدینی ایچون آرتق تکاملک تاریخی تدقیقه لزوم کورمزلر .

بو ذهنیتده اولانلر قاعده یی مطلقیت تحتنده قاعد برساوی ظل تلقی ایتدکاری ایچون تطبیقاتدن بر فائده حاصل اولمادیغنی کورونجه بوتون مسئولیتی زواللی قاعده یه یوکلتیرلر . درحال جذریار سسلرینی یوکسلته رک محافظه کارلری صوصمغه مجبور ایدرلر . پایله حق ایش پک قولای : اسکی قاعده لری خلع ایدره رک یرلرینه یکیلرینی اقعاد ایتک .

فقط بونلرک حکمرانلغی ده چوق سورمز ، چونکه تطبیقاتده ینه عکسیلک کورولمکه باشلار . بوکره اعتیادجیلر باشلرینی طوغرولتور و تقلیدجیلری میداندن چکیلرکه دعوت ایدر .

ایشته بزده دائما بویله اولمشدر ! تورکلکک ماضیسی تدقیق اولنسون : کوروله جک که بربرینه اتصالی اولمیان بر چوق تاریخ دورهلری یاشامشز ؛ مؤسسه لرمن مظفریت اغتناملریله آتی بر صورتده طولان ، فقط منبعی ملی بر اقتصاددن آلمادینی ایچون ینه آتی بر صورتده بوشالمغه محکوم اولان استیلا دولترلرینک خزینهلرینه بکزه مش . تکاملدن طوغمه مؤسسه لریمزی تاریخی اتصاللرینی تأمین ایدره رک جانلی عنعنهلر حاله صوقه جغمزه بونلری برطرفه آهرق هر اولکهدن (تاریخسز ، عنعنه سز قاعده لر) صورتنده مؤسسه لر المشز . انکایزلر قاعده سز بر ملتدر ؛ فقط تاریخی اتصاللری ، تکاملی انعطافلری

معلوم غننه لر اک زیاده انکلیزلرده کورولور . انکلیزلری ترقی ایتدیرن غننه جیلکدر .

بز تورکلر قاعده جی فقط غننه سز بر ملتز . تورکلکک واسلاملغه عائد غننه لر مرکز تاریخی سلسله لری آرادیمیز کبی عصر منی تمیز ایدن ترقیلرک منبع و تکاملی ده تدقیقه لزوم کورمه یز . بزم ایچون یالکز نتیجه لر لازم . تورکلکک واسلاملق متوالی مدلر و جزرلردن سوکره عملی و اعتقادی قاعده لر صورتندیم رسوبلر بیراقش . اوروپا مدنی برچوق اعتلا و انقلابدن سوکرا بزه بر طاقم علمی و عملی عمده لر صورتندیم تجلی ایدیور .

برقسمیز اورسوبلری استعمال ، دیگر طاقمز بو عمده لری اغتنام ایدرز . قاعده ایستراعتیادی ، ایسترا تقلیدی اولسون ابداع و ترقیدن محرومدر . چونکه منفصل اعتیادلر ، منفصل تقلیدلر هم امتزاج و ترکیب ایدمه زلر ؛ هم ده ماضیلری یوقدر . هر بری مستقل و مطلق بر عالم اولان قاعده لر - اوتوردقلری یرلرده - اولدقلری کبی قالیرلر ؛ بر استقبال وجوده کتیره مزلر . غننه ایسه ابداع و ترقی دیمکدر . چونکه غننه مختلف آنلری بر برله ذوبان ایتیش بر ماضیه ، آرقه دن محرک بر قوت کبی ایلری به دوعرو ایتن تاریخی بر جریان مالکدر که دائمایکی انکشافلر ، یکی انعطافلر تولید ایدمه بیلیر . غننه کندیه باشنه ولود و مبدع اولقله برابر اوکا آشیلانان یا بانجی یکیلکدرده طمارلرنده کی حیات نسغدن فیض آله رق جانلانیق و عادی تقلیده اولدینی کبی چورویوب دوشمز .

(برغسون) فردک روحی خاطره لرینک مجموعندن ، جسدی اعتیادلرینک مجموعندن عبارت کوریور . بر ملتک خاطره لری ، غننه لری ، اعتیادلری ایسه قاعده لریدر . دیمک که بر ملتک غننه لر روحی ، قاعده لر بدنی تشکیل ایدر . استناد نقطه سی ، غننه جی بر ملت روحنده ، قاعده جی بر ملت گوگده سنده آرار . برنجیسی حیاتک معنالیخی ، ایکنجیسی لفظلریخی اوقور . برنجیسی تاریخی بر حریت ، ایکنجیسی جغرافی بر اسارت ایچنده یاشار . بولغارلرله اولان چارپشمه لر مزده اونلر آتشی غننه لرندن ، بز بارد قاعده لر مزدن ملهم

اوله رق صالدری یوردق . نتیجه تاریخک جغرافیایه غلبه سی اولدی .
 او حالده شیمدی یه قدر یورودیکمز محافظه کارلق و تجدد یوللرینک
 ایکیسی ده چیقماز ایمش . یکی حیات بونلرک ایکیسندن ده صاقه ق کرک . اول
 تورکلکه مخصوص مؤسسه لر مزک عنعنه لرینی ، تکامل تاریخلرینی تدقیق ایتلی یز .
 تورک ادبیاتی نه عاشق پاشا ایله ، نه ده نوای ایله باشلار . ادبیات مزک منبعلرینی بر
 طرفدن طاش محکوکه لرده ، جیران دریلرنده ، دیگر طرفدن ده خلقک
 قوشمه لرنده ، ماصاللرنده ، دستانلرنده آرامالی یز . ملی وزغز پارماق اصولیدر .
 ملی دینز یالکیز تورک صرفه تابع اولاندر . ملی ادبیات مز موضوعلرینی ، استعاره
 زمینلرینی تورک حیاتندن ، تورک اجتماعی تشکیلاتندن ، تورک اساطیرندن ، تورک
 منقبه لرندن آلمالی . لسان مزدن یابانچی ترکیب لری ، شعر مزدن یابانچی وزن لری ،
 ادبیات مزدن یابانچی تلمیح لری آتمالی یز . لسان و ادبیات مزه عنعنه سنک مبدئندن
 باشلار سهق اوغرادقلری موقت استیلارک عارضی و مرضی دوره لر اولدیغنی
 آکلایه جغز . تورک حقوقک تاریخنی توره لرک ، یاسارک ، توزوکلرک تدقیقه
 دیرلتملی یز . تورک معماریسی ، تورک موسیقیسی ، تورک صنعتی باشلی باشنه تعمیق
 ایدلمی ، ملی اسلوب مزک ماهیتی میدانه چیقارلمالی .

تورکلکک کله لرده ، مثلرده ، ماصاللرده ، دستانلرده ایزلری قالمش بر ملی
 مفکوره سی واردر که بونی بو طاغنیق انقاض آره سندن بولوب چیقارمق ، و بونده
 مندیج اولان عرقی (مابعد التاریخ) ی کشف ایتک اک بویوک وظیفه مزدر .
 ثانیاً اسلاملغه عائد مؤسسه لر مزک عنعنه لرینی ، تاریخنی تفحص ایتلی یز .
 کلامک ، تصوفک ، فقهک تاریخلرینی بیلملی یز . بو مؤسسه لرک ناصیل تکامل
 ایتدیکی ، مختلف محیط و زمانلره نه یولده انطباق ایلدیکی معلوم اولور سه بو عصرده
 هانکی ترقیلری قبول ایده جکی و استقباله نه شکلده بر تکامل تعقیب ایله یه جکی
 آکلایه بیلیر .

عننه بر مؤسسه نک مختلف زمانلرده کی شکل لری آره سنده اتصال و آهنگ
 تأسیس ایتکله قالماز . بوتون مؤسسه لرک عینی اصلدن نه صورتله اشتقاق ایتدیکنی ده
 کوستر درک هپسنی بر برینه ربط ایدر .

دورقهائمه كوره، اخلاق، حقوق، سياسيات، منطق، بديعيات، اقتصاديات
كېي مؤسسەلرك جملەسى (دين) دن مشتقدرد. بودالار كوكلارنى دىنى بر مابعدالطبيعە دە
بولغله زنده بر فيضه، فياض بر زنده لكه مظهر اولورلر.

عننه اتصال و آهنگى مقتضى اولدىنى ايچون توركك مابعد التارىخى
بومابعدالطبيعە رېط ايدەرك بر «اسلام - تورك» تارىخى يايىق دە اقتضا ايدرد.
ثالثاً عصر ك آليات و فنونىدن، اصوليات و فلسفه سندن استفاده ايدە بيلمك
ايچون بونلرك دە تكامل تارىخىلارنى، زمانى و اجتماعى انطباقلارنى تحرى ايملى بزد.
مدنيت تارىخى بزد كوسترييور كه بر مملكتده صنايع ترقى به باشلاىجه قلردە
انكشاف ايدىيور.

قنلر صنايعدن طوغار، صنايعى سوق و ادارەيه اوغراشير. بزدە فى تحصيل
بر واسطه دكل بر غايە در. متفكرلر من يالكز قنلر بحث ايمەنى بيليرلر، قنك
تطبيقاتيله اوغراشمەيه اقتدارلرى يوقدر. او حالدە بزدە حقيقى معناسيله نه فن،
نەدە متفنن واردر. قنلر آلياتدن طوغدىنى كېي فلسفه دە اصولدن تولد ايدرد.
فيلسوفلر باشقەلرينك بولدىنى حقيقتلرى تركيب و تنسيق ايدنلر دكلدر. كر چكدن
فيلسوف اولانلر حقيقتك تحريسي اصولى بيلنلر و بونى بالذات تطبيق ايدە بيلنلر در.
بوكون فلسفه كشف اولمش بر سورو معلوماتك مجموعى صورتندە تلقى
اولنە ماز. فلسفه بومعلوماتى لاينقطع كشف و اصلاح ايدن اصوللردن عبارتدر.
ينه آكلاشيليور كه بزدە حقيقى معناسيله نه فلسفه، نەدە فيلسوف واردر.
او حالدە بر طرفدن تارىخى و عننه لى بر ملت حاله كيرمكه، ديكر طرفدن دە
بالفعل صنايعه استناد ايدن قنلر، اصوللردن على الدوام فيض آلان فلسفه لر
ياراتمغه چالشملى بزد.

عصر ك فنون و فلسفه سنى، آليات و اصولياتى مى و دىنى عننه لرمزە ايضاح
ايتديكمز صورتدە آشيلار و تمزيج ايدر ايسەك معاصر بر اسلام - تورك مدنيتى
حاصل اوله جقدر. و ايشته خلق روحنك «قزيل الماه» ديه آراديلى بو موعود
حياته واصل اولديغمز زماندر كه حقيقى معناسيله اجتماعاً حر و مدنيةً مستقل اوله جفزد.

كوك آلب